

DEZ KUZAS KI PROPRIETARIUS DEVI SABI

1

TIPUS DI KONTRATU DI ARENDAMENTU

Bu podi oferesi un inkilinu un kontratu di arendamentu ki normalmenti é validu pur un anu, ô un kontratu di arendamentu sen prazu sobi vontadi oral ô skritu, ki é izekutadu di mes pa mes. Un kontratu di arenamento sen prazu ta oferesi mas flksibilidadi, ma un kontratu di arendamentu ku prazu ta oferesi mas seguransa.

2

INSTALASON BAZIKU

Kada kaza devi ter un fogon y fornu ta funsiona, telas pa kada janela pa baxu di kintu andar y travas ta funsiona na tudu kes janela y porta di entrada/saida. Bu ka é obrigadu fornesi frigorifiku, persianas, kortinas ô makina di lava ropa, ma si bu oferesê-s, bu ta devi mantê-s.

3

AKESIMENTU Y SERVISUS BAZIKUS

Inkilinu sô podi ser obrigadu pa paga servisus públikus si iver kontador separadu pa kada servisu kobradu. Bu devi paga akesimentu y áqua kenti, a naun ser si bu inkilinu asina un kontratu pur skrito ki ta stablesi ki es inkilinu ta devi paga.

4

KONTROLU DI INKILINUS

Insisti na referénsias y na konprovativu di enpregu é formas di kontrola potensial inkilinu. Bu podi iziji kes inkilinu en potensial ki ka ta podi fornesi referénsias ô ki ka ta parsi ter un fonti di rendimento sufisienti ô stavel pa es ter un ko-signatariu.

5

DEPOZITUS SEGURANSA Y RENDA ULTIMU MES

Na inisiu di arendamentu, bu podi legalmenti iziji pa inkilinu paga renda di ultimu mes ku antesedénsia y un depozitu di seguransa na valor naun superior a un mes di renda. Si bu resebê-s, bu stá ta bai ter ki, entri otu kuzas, fornesi resibus adekuadu, paga jurus anual y, na kazu di depozitu di seguransa, koloka kel dinheru na un konta separadu na un banku lokalizadu na Massachusetts. É importanti ki bu ta kunpri tudu kes rekizitu di lei di depozitu di seguransa.

6

TAXAS LEGAL Y ILEGAL

Bu podi legalmenti kobra renda di primeru y ultimu mes di un inkilinu, depozitu di seguransa y taxa di blokeiu. É **ILEGAL** pa abô kobra un taxa di manutenson, taxa di animal di stimason ô taxa di koretor/lokazadu imobiliariu. Bu podi kobra un taxa di koretor/lokazadu imobiliariu si el for un koretor di imóvel lisensiado y tiver un kontratu asinadu ku inkilinu.

Si bu presiza di mas asisténsia, konzulta boston.gov/housingstability ô txoma o mandá-nu e-mail pa: (617) 635-4200 ô housingstability@boston.gov

DEZ KUZAS KI PROPRIETARIUS DEVI SABI

7

REINSPESON DI KAZAS PA ARENDAMENTU

Na maioria di kazus, kes proprietariu é obrigadu pur lei na ter ses kazas pa arendamentu inspisionadu en relason a konformidadi ku Kódigu Sanitariu di Stadu - State Sanitary Code logu dipos di es ser arendadu pa novus okupanti.

8

PAGAMENTU DI RENDA NA ÓRA

Ka ten "periudu di karénsia" pa pagamentu di renda. Bu ten direitu di resebi renda na dia spesifikadu pa termus di kontratu. Bu podi kobra un taxa di atrazu, ma apena si tiver un akordu pur skritu en vigor ki ta permití-l. Mesmu asin, es taxa ka podi ser kobradu a naun ser si renda stiver ku pelu menus 30 dia di atrazu.

+

Si bu inkilinu stá atrazadu ku renda ô ku difikuldadi pa paga es renda, el podi stá kualifikadu pa asisténsia ku arendamentu di Sidadi ô Stadu. Pur favor konsulta boston.gov/rentalrelief pa mas informason.

9

MEDIASON

Si abô y bu inkilinu tiver un disputa ki ka ta podi ser rezolvidu entri nhōs dōs, bu devi konsidera un mediason. Mediason é un prosesu informal na undi abô y bu inkilinu podi tenta txiga na un soluson ku djuda di un mediador inparsial.

Si bu presiza di mediason, pur favor kontakta Gabineti di Stabilidadi Abitasional - The Office of Housing Stability na (617) 635-4200 ô housingstability@boston.gov.

10

DESPEJUS

Si bu sgota tudu kes otu opson y bu presiza despeja un inkilinu, bu ta devi resindi kel kontratu ku un notifikasiun pur skritu adekuadu y, di sigida, enta ku un prosesu di ason sumariu na tribunal. Lei di Notifikasiun di Stabilidadi Abitasional ta iziji pa proprietarius entrega un Notifikasiun di Direitus y Rekursus di Inkilinus au mesmu tempu ki Notifikasiun pa Sai ô Notifikasiun di Naun Renovason di un Kontratu di Arendamentu. Es Lei tanbe ta iziji pa proprietarius fornesi un kópia di Notifikasiun pa Sai ô Notifikasiun di Naun Renovason di un Kontratu di Arendamentu y, di un Sertifikadu di Konformidadi/Servisu pa Gabineti di Stabilidadi Abitasional. Txeu proprietarius ta kontratam advogadus pa djudá-s, kuza ki podi ser un prosesu karu, demoradu y konplikadu. Si bu ta mora na un prédio okupadu pa proprietariu y stá di akordu ku kes otu kriterius, bu podi stá kualifikadu pa asisténsia juridiku gratuitu di Volunteer Lawyer Project - Projetu Advogadu Voluntariu. Pur favor kontakta (617) 603-1700 ô celhp@vlpnet.org.

Si bu presiza di mas asisténsia, konzulta boston.gov/housingstability ô txoma o mandá-nu e-mail pa: (617) 635-4200 ô housingstability@boston.gov